

## بياعة جرايد كتبت بعينها

بياعة جرايد انا قاعده جنب بيت  
ببيع اخبار وطن واخبار كل بيت  
هنا عدى على زمن وعليه عديت  
شفت بلد اتباعت ورجعت من جديد  
و شمس اشرفت وشمس قالت انطفيت  
وشباب يأس وشباب كان بقوه عنيد  
وناس وقفت فى ميدان وشبكت الايد  
بلد حاربت بشباب قال مات وقال عميت  
ورشاش ميه ما قدر على قلب من حديد  
ورشاش فتنه ما قدر على هلال جواه صليب

وبلد اتسرقت وجه فارس لجامه فى ايد  
وايده التانيه عدت شعب من نار كانت بتقيد  
بس لسه فيه ايدى بتقول افتريت  
ووشوش بتضحك وتقول غشيت  
وضباب على عين بلد ولو من فجرها صحيت  
يا ورد الجنائين شوكتك شكشك الايد  
يا ورد مين اشتراك مبقتش بلدى لو شमित  
فتح كده وصحصح واعرف مين ملوك وعبيد  
شيلوا الغمام على عينكوا واشكره لو اتعشيت  
واعرف ان جيشك حبل على رقبه من يحدد  
تعالى اقرا اخبار بلدك بقالك سنين ما قرئت  
كل من كل سطر حته وقول اتغديت  
فيه مملح وفيه حلو دوق طعم وطنك الجديد  
بس. اللى بناها حلوانى حلف انا اللى بنيت

بلاش اللبان وتمدغ فى سيرته وتقول اتسلت  
وطنك ده اسمك عمرك لاسمك فى مره نسيت؟  
لو لفيت بجرنالى حاجه انت بعت ما اشترت  
ولو لفيت الدنيا ذى هواها ما هويت  
اللى كتبه عيون شافت وضحت  
وعيون تقول بكيت